

Universal Declaration of Human Rights - Dinka, Northeastern

© 1996 - 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

Yiith e raan ci caal e pinyinhöm

Ajokcok

Nä caa athëek tö e baai thök e thai yic gäm ku yithkën thonj tö e nyiinkën, kek aalau enhom ku thonj, ku dör e pinyinhom.

Ku nä ci yiith e raan mar ekoc nhiim, ku dhalkek bi kuöc lööi bëi epion e raanic, ku aye raan thök eben waai bi ben epinyinhom bi raan liëk e lau enhom e jamdeic, ku thëek yanhde, ku ci ben rioc, ku ñoñ.

Ku na peth bi lööñ raan aaköuny, bi raan cii nyany e rin eköuc löui ye löui yën, ku ten enyin piny.

Ku nä ci wut ethai matyiic, yen gam e cök elöönjiic lön de raan yith tëem kua thëek, ku na thönj möc nhöm këk e tik e yithiic kua ci tëem bik röt aaköuny bi pir piath baai ku lëu yic.

Ku na ci bëi tö akutic gam bik ka cin mat kek akut e mawuut epinyinhom(UN), bik yith e raan ku lau enhöm kua thëek aatiit.

Ku na ñic eben lön e yith kak ku lau enhöm alëñ köuny dit kua thëk e gëm gëm ken yic.

Ka kut dit adhël.

cööt ecëël ken yic erin yith e raan, erin yën e tën eröm ethai eben thin, ku(UN), wic bi raan tic e ciëñic ku tëu ka nyiin piny ecëël ken yic, bi athëk eyith ku lau enhöm kak cök cökpiny edhöl epioc ku wëet ku cër cër ebaiyic ku pinyinhöm bi bik tiit. epiny nhöm eben ekëm ebëi tö akutic, ku thai awën rër tö eke cin.

Wiën 1

Raan thök eben aye dhëeth ka lau nhöm kua thönj nhiim eyithiic, kua thëkic, kua ci yëknhiethku puou, ku bik cëñ ka ke ye mith etik.

Wien 2

Raan eben alëñ yic bi liëk eyithiic ku lau enhömic ecëël kenic ka ci tëktëk ethök etiël ekuat, ku kit, kemen thai ku thök ku yanh ethëek ku wël ebai kmen wët dët löi e rot kemen bai ku ciëñ bai kemen jëek ku dhëth kemen kuat etau dët löi e rot ka cin tëktëk ethök ekëm mö ku tik.

Ku cit te wen ci yen luel, acin tiel tö e wel ebai yic ku lööñ ku kem ebëi ku ten wen rër eraan thin pan cëñ kemen ci cëen kemen aci röt mac eröt, kemen tö eraan dët cin.

Wien 3

Raan thök eben alëñ yic bi pir ku leu nhöm ku le lañ.

Wien 4

Kuat eraan acii leu bi kool kemen bi loony kuat eṗeṗ ku loony thok eben aci pëen.

Wien 5

Raan thok eben aciben e lëëṅ kemen bi köuc yöṅ ci min elai, keme bi joor bi ci thëk.

Wien 6

Raan thok eben kuat et ci yen yok thin alëṅ yic bi gam ka ye raan lëṅyic elooṅiic.

Wien 7

Raan thok eben aathonṅ nhiim elooṅ nhiim, kua lëṅ yic bi liek eköuny thonṅ nhöm ka cin tiel bi looṅ kak tiit.

Wien 8

Raan thok eben alëṅ yic bi luk ebanypanden nhiimbi yicde yok ci min eyith tuëṅ e looṅ kek gam yen.

Wien 9

Ran thok eben aci leu bi döṃ kemen dampiny, kemen cöb ewëi baai edieny.

Wien 10

Raan thok eben alëṅ yic bi nhöm agit ka kɔc kɔk, bi luṅde tiṅ elüok pathiic bi yek yicde ekɔc nhiim ku kak ci gämröt, ku kuat emëny ci yen mëny göup.

Wien 11

1. Kuat eraan ci mëny, acin göup awuc yet te bi loṅ yen nyooth lon le yen göup awuc ekɔc nhiim ku kony bi rot köuny bei.

2. Raan aci luk ewei erin eken ci löi kemen ci kuc bi löi, ke ce yen awuc ye loṅ ebaai nyooth, kemen loṅ epinynhöm, te wen yen looi yen rot thin.

Wien 12

Acin raan ekëc eṗir eraande yic, kemen pande ku yonde kua thorkeiic kemen bi dhɔl ku rëc erin edieny, ku raan eben alëṅ yic bi loṅ köuny ekak cit ekak yiic.

Wien 13

1. Raan eben alëṅ yic bi cëëth te wic ku löc te den erëer eyan akeu thok eben ebaai yic.

2. Raan eben alëṅ yic bi la te wic epiny nhöm agut panden kua lëṅ yic bi dhok thin.

Wien 14

1. Raan eben alëṅ yic bi kook pandet, kemen bi them bi kook thin ka kat eköuc ciëṅ.

2. Kuat eraan ci kaŋ yath elukic awuc ca awuc ewel ebaai kemen bi lui eke ce röm kek eloon (UN), acii lëŋ yic bi liek eyic ken yic.

Wien 15

1. Raan eben alëŋ yic bi rot yek anyööth lön eyen ran ebaai.
2. Aci leu bi raan pën wër erot edieny, kemen bi jai lön ci yende yic bi rot war.

Wien 16

1. Mɔc ku tik te ci kek roun ethëek dööt, aalëŋ yic bik ker ebɔei ku löike mith ka cinic ale kemen yath kua lëŋ yiith thöŋ nyiin ethiëkic ku loui yic ku pök yic.
2. Thiëk ci loi ka kic ekɔc thiëk rot gäm kua ci mëc ekek.
3. Mɔc ku tik kek aamaatic tuen ebaai, kua lëŋ yic bik liek eköuny baai ku baai nhöm.

Wien 17

1. Raan eben alën yic bi lëŋ kede erot, kemen bi röm kek kɔc kok.
2. Aci leu bi raan pëëc cin bɛi ekake edieny.

Wien 18

Raan eben alëŋ yic bi tak ka lau nhöm popuonde, yanhde kua lëŋ yic bi yanhde waric kemen ke ye thëëk kua lëŋ yic bi pioc ku yeknhöm ku nyooyh ku tiit ka thien keme ekɔc nhiim.

Wien 19

Raan eben alëŋ yic bi wetde luel ka lau nhöm kue yic ken egäm ewel ka launhöm ka cin raan la thin ku y'on ewel ku tektek ku cɛɛl kek edhol ci takic ka ci luui aken ewuad.

Wien 20

1. Raan eben alëŋ yic bi mɛt akutic kua kuut la lik.
2. Aci leu bi kuat eraan mat akut ci wic yic eriel.

Wien 21

1. Raan eben alɔɛŋ yic bi lui miric panden bi kuany egai ekɔc ekuany.
2. Raan eben alen yic bi lui ci min ekuat eraan lui baai.
3. Ke wic kɔc ebaai yen eya rie e mir. ku ke wic kɔc kene ekueny kueny bi kam bi yaa weenic ekuany aliklik ka kɔc thöŋ nhiim kemen bi loui te wen bi raan cuet ka lau nhöm.

Wien 22

Raan eben ka ye raan aakutt ekɔciic aalëŋ yic bi köny ekɔc bai ku kɔc epinyinhöm ka cit te ye panden ye loui thin ku yith epirde ku cien ku wëët ci rot pal athekde yic la tuëŋ ku thiek yicde.

Wien 23

1. Raan eben alëŋ yic bi lui ku kuany ka cit te wic e yen kua lëŋ yic bi kõny bi lui.
2. Raan eben alëŋ yic bi lui a riob thoŋ nhöm eloi yic ka ci yic tiel.
3. Raan eben alëŋ yic bi riob ariob ci gam bi rot muk apth ku juak ekak awen bi pirde cɔkpiny.
4. Raan eben alëŋ yic bi dit ku mët akuic bi ka ke tiit kɔth.

Wien 24

Raan eben alëŋ yic bi lɔŋ kemen bi cin lau ku nyoth enin ken eloi ku kol cin yen loi thin.

Wien 25

1. Kuat eraan alëŋ yic bi pir ka piol goup ku mit puou ka pande ecampathic, kua leth ku ten enin ku ka wen ekɔc kouny baai kua lëŋ yic bi pir cɔk nyinic ke cii yen lui, ku tuany, kemen ci bäl ku lëer kemen ci dhiöb ku la kak awen epir mietic, ka leu yen cin thin.
2. Meth ku man alëŋ yic bi kek kõny ku muk kek apath ku mith eben athöŋ nhiim bi kek tiit baai mith dhëth mɔc kek ku mith e lim.

Wien 26

1. Kuat eraan alëŋ yic bi pioc kua dhil epioc epath tueeŋ, ku pioc tueeŋ adhil emac eya nhöm, kua pioc etëet ku loi loi ecin ku cɔl pioc den la tueeŋ apiolic, bi nhöm thöŋ ka jaŋ.
2. Ku wëet ke ku bi thiekic ku thëk ka ye raan ku lau enhöm la tueeŋ e cien ku pëlpiny ewel ku määh ekem e wuuut ku la kuut, ku kõny thaai epinyinhöm bi door muk.
3. Warken emith alëŋ yic bik mithken wëet cit te wicke.

Wien 27

1. Kuat eraan alëŋ yic bi mët ka lau nhöm epir ekɔc ebaai yic, ku bi liek etëetic kua jueer erin ela tueeŋ epioc ku bi kak bi ben bëi yhin këc kõuny.
2. Kuat eraan alëŋ yic bi ka path ku cien ken epioc tiit.

Wien 28

Kuat eraan alëŋ yic bi liek ecien ekɔc epinyinhömic, bi yithke ku lau enhöm ci nyooth ecëel ken yic yok egai.

Wien 29

1. Raan eben adhil kɔc loui bi yen nyouth lon te yen ekɔciic bi dit ka lau nhöm.
2. Raan eben adhil yithke thaap ka kacit te ci looŋ yen nyouth thin bigemgëm e yith e kɔc kök, ku lau e nhömde kua thëkden, ku jɔl aathöŋ nhöm e loiloi yiic, ku ka pɔth eyok eben ku jam aathëek ecien ekɔc epaan ekëc thoŋ nhiim.
3. Aci rot kaŋ lëu ather bi yith kak thaap ka ce te wen wic thai epiny nhöm ke thin.

Wien 30

**Acin wet leu bi war kemen bi cɔkpiny e cɛɛl ken yic ku luel ala ka ci pan ken kemen raan
ken aci looi bi lyiith ku lauenhöm ci ben thin rac.**
